

Bosna i Hercegovina

Federacija BiH

Kanton Sarajevo

Skupština Kantona Sarajevo

34. radna sjednica

N/p Ministrice za odgoj i obrazovanje, Naida Hota-Muminović

**Inicijativa za hitne izmjene i dopune Zakona o srednjem obrazovanju  
KS koje se tiču Srednje muzičke škole, tačnije, paralelnog pohađanja  
dvije srednje škole**

**Obrazloženje:**

Zakonom o srednjem obrazovanju iz 2017.godine onemogućeno je da se u umjetničkim školama za muzičku i baletnu umjetnost, a u Kantonu Sarajevo i jedinom takvom školom, redovno obrazuju i učenici koji pohađaju i neku drugu srednju školu, što je bila praksa i za šta je postojala zakonska mogućnost od kada s radom egzistira Srednja muzička i baletna škola i čija je organizacija rada, rasporedi i smjene usklađene s istim. ( član 60. stav 4, prethodnog zakona).

Na ovaj način je napravljena diskriminacija djece/učenika u Kantonu Sarajevo u odnosu na djecu/učenike u drugim kantonima kao i u zemljama u okruženju, koja i dalje imaju zakonsku mogućnost istovremenog redovnog pohađanja srednje muzičke, i druge škole. Također, dovelo se u pitanje egzistiranje škole, posebno imajući u vidu da je ovo jedina srednja muzička škola u Kantonu Sarajevo, kao i budućnost muzičke i baletne umjetnosti, muzičke akademije i samog obrazovanja koje je, pored edukativnog segmenta, i važan kulturni segment društvene zajednice.

Ovom izmjenom i dopunom zakona, omogućićemo izuzetno nadarenim, vrijednim i svestranim učenicima, pravo na obrazovanje kakvo zaslužuju i koje će im obezbijediti sva potrebna znanja tokom njihovog srednjeg obrazovanja.

Sarajevo, 07.04.2021.

Segmedina Srna Bajramović

Zastupnica SDP BiH u SKS

